

IZVJEŠTAJ za period od 17. 11. do 21. 11. 2025 godine

IZVJEŠTAJ sa terenskog obilaska

18.11. 2025			Centralna banka BiH – Sarajevo / dopuna
-------------	--	--	--

Zavodu za zaštitu spomenika dostavljen je zahtjev Centralne banke Bosne i Hercegovine za davanje stručnog mišljenja na dopunu projektne dokumentacije - „Izvedbeni projekat rekonstrukcije iluminacije u auli (holu) objekta Centralnog ureda CBBiH“ koji je uradila projektna kuća „IPSA“ d.o.o. Sarajevo.

Historijska građevina – zgrada Narodne (Centralne) banke u Sarajevu sa pokretnom imovinom, proglešana je 2009. godine nacionalnim spomenikom Bosne i Hercegovine. Na nacionalne spomenike primjenjuju se mjere zaštite utvrđene Zakonom o provođenju odluka Komisije za zaštitu nacionalnih spomenika uspostavljene prema Aneksu 8 Opšteg okvirnog sporazuma za mir u Bosni i Hercegovini („Službene novine Federacije BiH“ br. 2/02, 27/02, 6/04 i 51/07).

Pregledom dostavljene dokumentacije utvrđeno je da su predviđeni radovi izmjene (rekonstrukcije) rasvjetnih tijela iznad vijenca u holu Centralne banke.

Dopunjenom projektnom dokumentacijom ilustrovano je postojeće stanje rasvjetnih tijela (fotodokumentacija), što je bio zahtjev Zavoda definisan aktom broj: 07-36-4-4814-2/25 A.A.DŽ.Š. Obzirom da su investitor i projektant postupili u skladu sa traženim, Zavod je mišljenja da se može dati saglasnost na radove rekonstrukcije iluminacije u auli (holu) objekta Centralnog ureda Centralne banke BiH u ulici Maršala Tita broj 25 u Sarajevu.

Investitor je u obavezi obavjestiti Zavod o datumu početka radova, kako bi se izvršio povremeni pravovremen stručni nadzor kao zakonska obaveza ovoga Zavoda.

19.11.2025.			Ferhadija broj 19 - Sarajevo
-------------	--	--	------------------------------

Zavodu za zaštitu spomenika u sastavu Federalnog ministarstva kulture i sporta obratila se Služba za urbanizam, prostorno planiranje i zaštitu okoliša Opštine Stari Grad Sarajevo sa zahtjevom za postavljanje reklamne vitrine na fasadu objekta u ulici Ferhadija broj 19.

Uvidom u dostavljenu dokumentaciju i uvidom na licu mjesta utvrđeno je da predmetni objekat pripada obuhvatu nacionalnog spomenika BiH pod nazivom *Historijski urbani krajolik Sarajevo* («Službeni glasnik BiH», broj 1/21 i 10/21), na koji se primjenjuju mjere zaštite koje su utvrđene Zakonom o provedbi odluka Komisije za zaštitu nacionalnih spomenika uspostavljenog prema Aneksu 8. Opšteg okvirnog sporazuma za mir u Bosni i Hercegovini («Službene novine Federacije BiH», br. 2/02, 8/02, 27/02, 6/04 i 51/07).

Pregledom dostavljene dokumentacije i uvidom na licu mjesta, Zavod je mišljenja da se ne može odobriti postavljanje fasadne vitrine na lokaciji Ferhadija broj 19. Vitrina ne smije biti fiksirana za fasadu objekta, jer time narušava njen sklad i autentičnost i tako narušava historijski i vizuelni identitet nacionalnog spomenika. Prilikom uklanjanja vitrine vlasnik je dužan sanirati oštećenja na fasadi nastala postavljanjem reklame.